

دائرة مخصوصه

درسعادتده باب عالی جوارنده

محل اداره :

مشرط القيم

اخطار :

مسلكمزه موافق آثار جديده مع المنوئيه

قبول اولنور

درج ايدهلن آثار اعاده اولنور

دينه، فلسفه، علوم، حقوق، ادبياتده و سياسياتده و باطاضه كرك سياسي و كرك اجتماعي و مدني احوال و شئونه اسلاميه و ده بحث ايدر و هفته ده بر نشر اولنور.

آبونه بدلی

سنه لکی

التي آيلنی

ممالك عثمانیه ایچون	۸۰	۴۰	غروش
روسیه	»	۶۰۵	۳۰۵ روبله
سائر ممالك اجنیه	»	۱۷	۹ فرائق

صاحب و مؤسسلی :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلیر

عدد : ۶۶

۲۶ ذی القعدة ۳۲۶ پنجشنبه ۲۶ اشرین ثانی ۳۲۵

اوچنچی جلد

رسمی اشیایه موضوعدر : مثلاً (()) طاغ صورتیدر : ژاپونلر
(یاما) دیه اوقور، چینلیلر (فوزه) دیه اوقورلر، صورت هیروغلیف
بردر . شونک ایچون هربری کندی دیلنده اوقور . بتون کرامتی
شوندن عبارتدر .

بن فیما بعد غزته ستونلر نده عن قریب چینیه دائر معلومات یازامایه جغ،
بوندن صوکره سینغاپور، پینان، هندستان احوالنه عائد مقاله لر
یازاجم، چین حقنده زیاده تفصیلاتی انشاء الله سیاحت نامه مزده
عرض ایدرز .

وایور اوزرنده انسان هر نه قدر وقتی بوش اولسه ده چوق شی
یازامایور . قلبی بشقه درلو مشغول اولیور . بنم بولندیغ وایور هر
نه قدر غایت جسم اولوب ۷۳۷۶ طونیلاتولق جسماتی، ۶۵۰۰ بیکیر
قوتنده اولوب دکز قورقوسی فلان اولماسه ده، بنی آدم قارایه مألوف
ارض الله ده اسکان ایچون خلق اولمشدر، دریاده اعضالری طورغون،
فکرلری کوشک اولیور . آرتق سیاحت منتهاسی سینغاپوردر .
بومقاله یی نصیب اولورسه یارین سینغاپوردن یوسته یه ویره جکم .

« سنغاپور » عبدالرشید ابراهیم



تصحیح افکار

[اورنورغده منشر دین رمیشت مجله]

بزم روسیه اسلاملرینک شایان تبریک بر حاللری وارسه اوده
دیانتیه، اخلاقه صوک درجه دقت ایتمه لیدر . تعصبات دینه لری
اودرجه ایلریلمش درکه آنلرک تقدیرینه مظهر اولق ایچون بهمه حال
متدین اولق لازم کلور . دیانتیه نظر استخفافله باقان بر افندی ملتیک
رفاه وسعادت اوغورنده کندینی فدا ایتسه دیانتیه رعایت ایتمه دجه
هیچ مشابه سنده قالور .

روسیه اسلاملرینک بوتعصبی یک نظرده نانکورلک درجه سنده
واردیره رق تقییح ایتک استه نیلیر . فقط عالم سیاستده آزیجق طوللا-
شه جق اولورسه ق بوتقییحک یک نامحل اولدیغنی کوروروز . بناء علیه
بوتعصبیلرندن طولانی کندیلرینی تقدیر ایتک لازم کلور . زیرا جریان
احوالی بر آرز نظر تعمیق و اعتباره آله جق اولورسه ق کوروروز که ملتی
آکلایه جق بر درجه یه واصل اولماس بر ملت محکومه یی یو طمع
ایچون آغزینی آچمش بر ملت حاکمه یه، مانع اولق اوزره ایلک
تصادف اولنه جق شی دینک مخالفتیدر . بوقوه مغویه ده اتحاد حاصل
اولمادقجه قابل دکل مسخر اوله ماز . هر حالده آره ده برودت
حکمفرمادر .

ذاتاً روسلرک نیجه عصرلردن بری اسلاملری خرسیتیان یایمق
ایچون صوک فدائیلرکله چالشمه لری روز محشرده حضرت مسیحک
قارشوسنه بشوش بر چهره ایله چیقمق اعتقادنده بولندقلرندن وبوکا
میسر اولق ایچون غیرتلرندن دکل، بلکه اورطه لقبیدن مانع اتحاد

بن برتجارم، اگر برتجار - ولوکه احبابم، حتی اقربام اولسون -
امور تجارتده بنله استشاره ایدرسه، نه قدر ای آدم اولسه مده، کندی
تجارتیه رقابت ایدجه درجه ده عقل ویره مم، طبعاً ویره مم .

مثلاً عثمانلی ترکیب تنسیقات عسکریه لرینی اصلاح ایچون غولچ
پاشایی کتوردیلر . غولچ پاشا من القدیم ترکیه عسکرینی اصلاح
ایدجه کندی . لکن بن هیچ امنیت ایدمه، غولچ پاشا نه قدر یخشی
[ای] آدم اولسه بیله عثمانلی عسکرینی المان عسکرینه رقابت ایدر
درجه ده تنسیق ایتیه جکدر . عثمانلیلر یالکیز غولچ پاشایه امنیت
ایدوب ده کندولری ده سبی و غیرته بولونمازلرسه، هیچ برشیلر
چیقمماز . بعینه چینلیلر ده اوله در، هر اموره آوروپا دیوب
دوریورلر . باقکیز ژاپونلری! اولنده اول امرده آوروپا دن آلیورلر،
اما صوکره کندیلری چالیشیورلر . بوکون افواجق ژاپونیا ده میلیارلر
ایله ایش کورور فابریقه وار، اگر عموم ژاپونیا فابریقه لرینی کوزدن
کچیره جک اولورسه ق : ایش باشنده اجنبی بر مهندس، بر اوسته،
کوره مزسکنز . هب سرکارده ژاپونلردر . کل چین مملکته، کل
عثمانلی، ایران مملکته! هر ایش باشنده کیلر اجنبیلردر، افواجق
بر صنعت، حتی شمندوفر خطه سنده بیله سرکارده اجنبیدر . بو
صورتله هیچ بر مملکت اداره سی اصلاح اولنه مز...

ایشته کوروکز، بر اسلام تجارتینک فکری نه یولده در! بن نمازی
بک فکرینه تمایله موافقت ایدیورم . بزم عثمانلی ملتی، عثمانلی
دولتی بتون ملتدن زیاده آوروپا پرستدر، یالکیز عثمانلیلر دکل،
بلکه عموم اسلاملر « آوروپا » دنیلنجه پرستش ایدیورلر و السلام .

بوراده چینلیلرک لسانلرندن دخی بر آرز معلومات ویره جکم :
عموماً چین اولکک سنده ۲۴ لسان وارد، بولردن آلتیسی بتون
بتون بشقه لساندر : [ترک، مانغول، قالمیق، قرغیز، تبت،
قاشغار لسانلری] متباقی ۱۸ چین لسانیدر .

بونلرک اکثریسی یکدیگرینه غایت یقیندر : تاتار، باشقورت،
میشر لسانلری کی . بعضلری ده خلی فرقلیدر : حیوه، اوزبک
و آذربایجان لسانلری کی . لکن عموم چینلی اکثریت ایله یکدیگرینک
لسانی اکلار . بعضلری اکلمازسه همان یازوب کوسترلر، و یازدیغی
کی اکلارلر، حتی دکل قلمله کاغده یازمق، بلکه اثنای تکلم ده
پارمق اوچلریله، حتی هوایه یازار کی اشارت ایدرک تکلم ایتک عادت
اولمشدر . چین لساننده بو، بیوک بر سهولتدر، یازو ایله بتون چینلیلر
یکدیگرینک لسانی اکلارلر . دکل یالکیز چینلیلر کندی آرا لرنده،
بلکه بر چینلی یازارسه، لسانلری بتون بتون بشقه اولان ژاپونلر
وقوره لیلر بیله اوقور اکلار . حالبوکه لسانلری بتون بتون بشقه در .
بوراسی یک عجایبدر . بکا ژاپونیا دن دوستلرمدن مکتوب کلیور،
خالص ژاپون لساننده یازیورلر، عینی یازوی عینی مکتوبی چینلی
دوغریدن دوغری به - یعنی ترجمه فلان دکل - چین لساننده اوقیور .
ظاهر ابا قیلنجه حقیقه عجایبدر . لکن ملاحظه ایدرسه ک هیروغلیف

اولان بوقوه مغنویه بی دفع ایتکه روسلاشدرمه یه مسافه بی یقینلا- شدیرمق ایچوندر . زیرا قطعاً بیلورلر، که روسیه ترکری بوقوه مغنویه بی غائب ایدنجه ، کندیلرند کندیلرینی طویلایه جق قدر دیگر بوقوه مغنویه اولمادیغندن روسلاشدرلری محققد .

شمدی بزم غربلی بر دیلومات کسالمش ملتپرورمز دیاتی هیچه صایه رق وحتی بودین مین غرایه متجاوزانه وضیتده بولنه رق حرکت ایتک استهرسه اهالی ده بوکا هیچ سس فلان چیقارمیه رق بوحرینی کندیلرینه رهبر اتخا ایدم جک اولورلرسه شهسز پیدرپی بودینک اهمیتی قالقه رق روسلرله بزم آرامزی تفریق ایدن بویوکسک سدک ییقلماسی لازم کاور . بونک ییقلماسیله ایسه اوتیه طرفنده کی روس قوقولری برومزه کله یه یاشلار .

بوقوقولرک محتمزه نه قدر مضر ایدیکی میداند ایسه ده ، برطرفدن یکرمنجی عصر مدنیتک اولدینی محلی کچرک کلدیکندن و دیگر طرفدن ایسه بوقوقونک بزم ایچون مضر ایدوکنی ادراک ایدر قدر بزده معرفت اولمادیغندن پک خوش کلور . آنکچون بوروس قوقوسی استهذیکمز قدر استشام ایتیه باشلارز ، بروقت کلور، که المزده ترقی نامنه برشی اولماز. فقط روسلاشقم ، غربک مدنیتی نامنه انتشار ایدن سفاهت بزدرده استهذیکی قدر حکمفرما اولور . آرتق بونک بزم ایچون محو اولق دیمک اولدینی ذکره حاجت قالمازا .

یکرمنجی عصرده ژاپونلر هرشیته نمونه اولق صلاحیتده بولندقلریندن بوخصوصده بزم ایچون برنمونه اوله بیلرلر. ژاپونلر دینلرینک بوترقی عصرینه الویرشلی اولمادیغنی آکلادقلری حالده بوقدر مضرتی اختیار ایدرک حالا عوام ناسی مجوسیت بیوندورغنده طوتیورلر. دماغلرینی برطاقم خرافات ایله قارشیدریورلر . نه دن ؟ بونده اولان حکمت نه در ؟

زیرا ژاپونلر سیاست، صنعت نقطه نظرندن مشارالینان واسه لرده بویالکمز یوقارو طبقه یه مخصوص اوله رق عوام ناس طاقی ایسه پک جاهلدرلر . اوله بیلر که مجوسیتی براقوب باشقه بردینه کرمالریله جهالتلرندن طولایی ملیتی تقدیر ایدمزلر . دینی هانکی ملتدن آلدیلرسه اومت روحیله روحانیه باشلارلر . تعصبات ملیه لری بیستون براقوب هرشیته عموم نقطه نظرندن بقارق ژاپون منافعنی مدافعه خصوصنده اثر مساهله کوسه تریرلر . بونک ایسه ژاپونیا حکومتک اقتصادی، سیاسی جهتلرینه پک مضر اوله جنی شهسزدن وارسته در . ایشته بوکی محذورلردن طولاییدر، که ژاپونیا حکومتی عوام ناس طاقی مایتک نه اولدینی آکلار براده یه کله قدر کندیلرینی اسکی مجوسیتلری التنده طوتمق استیور . بناء علیه ژاپونیا حکومتک سائر جهتلردن پک چوق ایلرولدیکی حالده دینی جهتلدن پک چوق کیروده قالماسی آنجق اسباب سیاسی دن ایلری کلدیکنی آکلایارق پک اوقدر بهت وحیرت ایتاملیدر .

شمدی ژاپونیا حکومتی ، ضرر کوردیکی مدنیه طبان طبانهد ضد

اولدینی حالده بوجوسیتدن آریله مازسه و بوکی محذورلردن طولایی براتمامق مجبوریتنده قالدورسه ، آرتق بزر مدنیتک منبجی اولان دین مین غرامزه متجاوزانه بروضعیتده مجنونانه حرکتلرده بولوب آنافاتنا اهمیتدن اسقاطه چالشان برطاقم متغیرینه نفرته بقان سوکلو ملتتمزی نیچون تقدیر ایتیم ؟ اوت تقدیر ایتیمه لیز . . . وحتی ایجابنده بویله تعصبلره تشویقاند بیلر بولنمالیز . زیرا عوام ناسمز بحسب الجماله ژاپون عوام ناسندن پکده کیروده قالامیه جفندن ژاپون عوام ناسنک باشنه کله جک احتمالات بزده ایسه بره بش اولق اوزره کله جکی شهسزدر .

ایشته دین مسئله سی پک اینجه واولدقجه مهم برشی اولدیفغندن بعض منفعتپرستان کندی فوآند شیطانیه لرینه هپ دینی آلت اوله رق قوللانورلر: حریفک قارنی آج قاله رق طرز معیشتی تزلزله اوغرارسه درحال باشنه برایکی آرشین صارغی اویدره رق « علمیه » زمردسنه داخل اولور وچارچابوق برحامی دین (!) کسلور . نفس شهوانیسی بیوتمک استهرسه بیوتنی آشاغی اکدرک تصوف زمردسنه داخل اولور وبوسایه ده پاره لرده بول بول کلک اوزره بولنور . آرتق بویله صارقله بیونا کمنه ک موده سی برپارچه اسکیه رک حقیقی برحامی دین وحقیقی برمتصوف آرانلیه باشلارسه نه یایمق لازم کلور؟ طبیعی دوشونه . له جک بر مسئله دکلی یا؟ حقیقی برحامی دین وحقیقی برمتصوف کیملر اولدینی مطبوعات واسطه سیله آکلایشیله جق برشی . اکر منفعتپرستان بونک عکسنی آکلایمق تشبثنده بوانسه لر بالطبع مطبوعات صاریله . جقار ، ایشلرینی مطبوعات واسطه سیله اجرا ایدم جکلر . طوغریدن طوغری یه حقیقتک علمینده بولنق پک آسان برشی دکل . آنکچون حقیقتکولرک سوبله دکلیرینی تنقید ایتمدن اول کندیلرینی لکملک مجبوریتنده بولنه جقلر . بولکملک ملت نظرندک منفور کوزیکن دینسزلک اوله جنی طبیعیدر . بناء علیه استقبالد بو حشراتک منافع ملعونانه لرینی تأمینیه مانع اوله جق برفرقه ملتک نظرندده برپارچه اهمیتی حائز ایسه آرتق بو حشرات ییغندیلری بونلری دینسزلکله اتهام ایدرلر .

بخارا خرافات اوجاغنه دونه رک قزانده کی کتاد ایداش تانارسکی- اوجیتلسکی اشقولانک یقشدیردیکی میوه لرده لزومندن فضل- ینمه یه جک برحاله - طاتلی اولدینی بر زمانده هرکس این الملجأ دیرک التجا ایدم جک واوراده مابه الحیاتلری اولان علوم و معارفی آله جق بریر آرامیه باشلامشردی . طبیعی هرکسک خاطرینه بعد مسافه یه رغماً مقتدی بهلری اولان عثمانلی ترکلرینک مکتبلری کلیوردی . فقط او منحوس استبداد مرحمت وشفقتک تمثال مجسمی اولان بوقارداشلیزمزه بزم ایچون مکتبلرینی قیاتدرمش ، بزلی مکتبلرده تحصیل ایتدیرمک بزدن زیاده کندیلری ایچون کارلی اوله جنی پک ظاهر برشی ایکن ، بونلرک باشنه برطاقم وهمبرست مجنونلر تسلیط ایتدکلرندن طولایی آرقه لرینی چویرمشلردی . ایشته بونی کورن روسیه اسلاملری جامع کوشه لرند اوتده بریده طولاشرق مأیوساً مملکتلرینه دونه رک

ایشی وقت مرهونه ترك ایتكده ایدیلر. بیلورلردی، كه آرتق بوحال دوام ایتیه جك، بركون كله جك بوايكي قارداش- ترك، تاتار- يكديكريني دراغوش ایدرك يكديكرینه صاريله جقلر. عثمانلیر ايسه برادرانه شفقترلرینی بوندن صكره آرتق هیچ اسیركیه جك. ایشته او وقت مرهون بر سندهن بری حلول ایتشدیر. قاج عصرلردن بری وحتى وولغا كنارلرنده وداع ایدیلدن بری يكديكرینی كوزلجه اكلايه مامش بوايكي قارداش بوكون مكتب صره لرنده آكلاشیورلر. اللرینی صوك درجه صمیمیتله صیقیورلر. استقبال ایچون نه لازمه برپدرك چوچنی کی برابر حاضرله مق صدندده بولنیورلر. بونی كورن ملتزمده ايسه عثمانلی ترك قارداشلیرمزه قارشو بر اثر منت، بویاورولردن ايسه بیوك بر امید وبونلر ملاقی اولتی ایچونده صوك درجه صبرسنلق نمایان اولیور. فقط بوحال ملتی دائماً كندی منافع شخصیهلری بیوندورغنده طوتمه بی اعتیاد ایدین قدیمچی فرقه سنك خوشنه كیتمیور. ملتك سلامتی دوشنهرك استانبولك صفوق خان كوشه لرینی اختیار ایدرك دیار غربته یوارلانمهی بیوك بر بختیارلق عد ایدن بواولاد ملتی لكه ملك وبوسبله ملتك نظرندن دوشورمك ایسته یورلر. وبوشبثلرینك مئمر اولسی ایچون طبعی دیسنزلكه اتهام ایدیه جكلر. ایشته بواتهاماتك مقدمه لری قدیمچیلرك ناشر افكاری اولان اورنبورغده منتشر دین ومعیشت مجله سنده كوزوكه یه باشلادی.

دین ومعیشت مجله سی برسیاست قوللانیور. بردن بره صراحة دیسنزلك ايله اتهام ایتمیور. بلکه برنجی دفعه ده ضمناً آكلاتیور. دییوركه «استانبولدن خصوصی ویریلن خبرلره نظر آرقاچ اسبابه مبنی (دقت ایدكز) روسیه دن فرار ایدن برنجیه شارلاطانلر طلبه قیافته کیرهرك استانبولده تحصیلده بولنان طلبه لری ترك دین و دیانت خصوصنده کی تشویقاتلری ابلیسك تشویقاتلری فرسخلرجه کیروده براقه جق درجه ده ایلرولمكده در» دین ومعیشت مجله سی بوراده تشویقاتك نتیجه سی نه اولدیغنی یازمایور. اوتشویقات ابلیسیه دن دهامؤثر اولدیغنی سویله دكدن صكره آرتق نتیجه نك نه اولدیغنی كندی كندینه آكلاشییلور ظن ایدرم.

دین ومعیشت مجله سی بر طاقم شارلاطانلری استانبولده صوقلمش کی كوسترمه سیله استقبالی ایچون بر فائده دها تأمین ایتك ایستیوركه اوده استانبولدن عودت ایدیه جك طلبه لردن امنیتی سلب ایتك. عجا بو عودت ایدن افندی حقیقه بر طلبه می؟ یوقسه اوراده طلبه نا،نده كزن شارلاقامی؟ جوابی ده طبعی دین ومعیشتك آغزینه منحصر قاله جق...! اوت، بوشارلاتان مسئله سی يك نظرده اوله بیلیر. بزم روسیه اسلاملرنده برضرب مشر واردر: «موسی نرده ايسه فرعونده اوراده.» فقط استانبولده بولنان طلبه لر بورالرینی چوقدن دوشندیلر. هراحتالندن احتراز ایتك لازم كله جكنی تقدیر ایدرك اطرافدن اسهن روزكارلره سپر اولتی اوزره برشی اتخاذا ایتدیلر، كه اوده پرا كنده برحاله یشایان طلبه مزنی كتله واحده حاله افراغ ایدرك «روسیه لی اسلام طلبه سی» جمعیتی حصوله كتورمه لریدر. اورطه لقه تقدیسه

مجبور اولدیغیم بوجعیت موجود ایكن اسهن هربروزكارك بازیجه سی اولتی احتمالی یوقدر. زیرا جمعیتك برنجی وظیفه سی تصفیة اخلاقدر. مادامكه اورطه لقه بویه بر جمعیت مقدسه طوزییور، طلبه مزك حالندن اندیشه ایتك پك نابمجلدر. مادامكه استانبول طلبه لرینك ملجائی بوراسیدر، شارلاطانلرك اكر اویله برشی وارسه - برشی یاه میهرق مأیوساً کیرو دونه جكلری، هیچ بر وقت بوراده طلبه نامه كزه میه جكلری شهه دن وارسته در. بناء علیه منقبرستانك، ییه جك ارزاقنی باشته بر یردن آرامسی لازم كلور. استانبول اطرافنده طولاشمق ايسه پك نافله در.

دین ومعیشت مجله سندها بر رجاض واردر، كه اوده بوکی خبرلری مخبرلرینك امضاسیله نشر ایتاسیدر. عكس حالده بونلرك هیسینی كندی ترتیب كرده سی دیه تلقی ایتكده معذورز.

ترویسیکی لی احمد تاج الدین

بخاراده شریعت نامنه ارتكاب اولنان جنایات

بخارانك مقدراتنه حاكم برسورو اجاهل واردركه علما عنوان جلیلی من غیر لیاقة طاشیمقده درلر. ورثة اخلاق انیا اوله لری لازم كن بوفرقة باغیه ابلیسك بیله ارتكابندن حیا ایدیه جکی انواع منهیاتی، انواع مساوی بی- یالکز كندیلرینه منحصر اولتی اوزره- مباح كوردكلی حالده منافع مملكتته خادم، فقط كندیلرینك منافع ذاتیه لرینه مغایر برتشبث كوردیلرمی، «شریعت احكامنه مغایر در.. اهل كفره تشهدر.. بو، اوله ماز.» یاغره سنی قویاریر واوتشبث نافع - شرعه یالکز موافق دكل، بلکه شرعاً واجب ایكن - مانع اولورلر، نیچون؟ چونكه تأمین ایدیه كلككلی منافع غیر مشروعه یه آتیا خال كله جكلر. چونكه - اونلرك اعتقادنجیه - شریعت یالکز اونلرك آرای خود سرانه سیدر. اونلر نه پیغمبر طایر، نه مجتهد. نه ده ادله اربعه بیلیر.

ادله اربعه، شمیدی ادله خمس اولمشدركه برنجیسی بخارانك ارادات کیفیه لریدر. بودلیل ادله سائریه تقدم بیله ایدر. بخاراده اصول جدیده تدریسیه بی تطبیق مقصدیه ارباب حجت طرفندن برایکی مكتب آچیلمشدی. حتی رمضان دن مقدم اجرا اولنان امتحاننده علمانك تقدیرینی قازانمشدی.

بیلم صكره نصل اولمش ده مكاتب مذكوره باشده اعلم غیاث الدین افندی اوله رقی نه علما طرفندن قاپادیلش، عدم جوازینه فتوی ویریش.. طرفدار تجدد اولان مفتی حاجی اكرام افندی حضرتلری تك باشنه قالمشدر.

مخالفلر ده، موافقلر ده فتوا سی مهرله مكدن استسكاف ایدن دیگر ایکی مفتی محترمك ايسه هیچ اولمازسه بویه بی طرفی قالدقاری ینه شایان تشكردر.

حادثه مذكوره دن باحث متعدد مکتوبلر آلدیم.. بخارادن یکی تشریف ایدن بعض ذوات ايله ملاقات ایتدم.. نتیجه ده علمانك